

汾州府志



汾州府志卷之三十三

藝文七

扈從南出雀鼠谷

唐張說

豫動三靈贊時巡四海威
陝關凌曙出平路半春歸
鎮迎雲罕汾河送羽旂
山南柳半密谷北草全稀
遲宜華蓋和風入袷衣
上林十里近應見百花飛

奉和聖製同一相南出雀鼠谷

唐張九齡

設險諸侯地承平聖主巡
東君朝二月南旆擁三辰
寒出重關盡年隨行漏新
瑞雲叢捧日芳樹曲迎春
舞詠先馳道恩華及從臣
汾川花鳥意併奉屬車塵



山西書局影印
地方文獻

(24379)

奉和聖製荅二相出雀鼠谷

唐徐安貞

兩臣初入夢，二月扈巡邊。朔北寒猶在，山南春半傳。頌聲先奉御，辰象復回天。雲日明千里，旌旗照一川。柳陰低輦路，草色變新田。還望汾陽近，宸遊自窅然。

奉和聖製荅張說出雀鼠谷

唐燕頌

雨施巡方罷，雲從訓俗迴。密途汾水衛，清蹕晉郊陪。寒著山邊盡，春當日下來。御祠元鳥應，仙仗綠楊開。作頌音傳雅，觀文色動台。更知西向樂，宸藻協鹽梅。

餞潞州陸長史再守汾州

唐燕頌

河尹政成期，爲汾昔所推。不榮三入地，還美再臨時。擁

傳雲初合，聞鶯日正遲。道旁多出餞，別有吏民思。

奉和聖製荅張說扈從南出雀鼠谷

唐宋璟

秦地雄西夏，并州近北胡。禹行山啓路，舜在邑爲都。忽視寒暄隔，深思險易殊。四時宗伯叙，六義宰臣鋪。徵作宮常應，星環日每紆。盛哉逢道合，良以致亨衢。

奉和聖製荅張說扈從南出雀鼠谷之作

唐袁晔

魏國山河險，周王警蹕迴。九旗雲際出，萬騎谷中來。石路行將盡，烟郊望忽開。賞矜垂柳報，春畏落花催。興逸橫汾什，恩褒作頌才。小臣瞻日月，延首詠康哉。

奉和聖製荅張說南出雀鼠谷

唐席豫

鳴鑿初幸代旋蓋欲橫汾山盡千旗出郊平五校分前
林已暄景後壑尙寒氛風送蕭韶曲花鋪黼黻文鹽梅
推上宰禮樂統中軍獻賦紆天札飄飄飛白雲

奉和聖製荅張說扈從南出雀鼠谷

唐王光庭

省俗恩將徧巡方路稍廻寒隨汾谷盡春逐晉郊來雲
騎轉行漏煙旄引從臺惠風初應律和氣正調梅雅頌
通宸咏天文接曙臺霸陵桃李色應待日華開

奉和聖製荅張說南出雀鼠谷

唐崔翹

碛路繞河汾晴光拂曙氛
疏吟中嶺樹仗入半峯雲
頓覺山原盡平看邑里分
早行芳草迴晚憩好風熏
嘉頌

推英宰春遊扈聖君共欣承睿渥日月照天文

奉和聖製荅張說扈從南出雀鼠谷

唐梁昇卿

何意重關道千年過聖皇
幽林承睿澤閑客見清光
日御仙途遠山靈壽域長
寒雲入晉薄春樹隔汾香
國佐同時雨天文屬歲陽
從來漢家盛未若此巡方

故西河郡杜太守輓歌三首

唐王維

天上去西征雲中護北平
生擒白馬將連破黑鵬營
忽見芻靈苦徒聞竹使縈
空流左氏傳誰繼卜商名
返葬金符守同歸石窳妻
卷衣悲畫翟持髮待鳴雞
容衛都人慘山川駟馬嘶
猶聞隴上客相對哭征西

汾州府志 卷三十三
塗芻去國門祕器出東園太守留金印夫人罷錦軒旌
旗轉衰木簫鼓上寒原墳樹應西廡長思魏闕恩

咏郭有道

唐盧照鄰

大漢昔云季小人道遂振玉帛委關尹斧鑕嬰縉紳邈
哉郭先生卷舒得其真雍容謝朝廷談笑獎人倫在晦
不絕俗處亂不爲親諸侯不得友天子不得臣沖情甄
負醜重價折角巾悠悠天下士相送洛橋津誰知仙舟
上寂寂無四鄰

天寶中宋州刺史有西河郡太原守張夫人輓歌

今

鵠印慶仍傳魚軒寵莫先從夫元凱貴訓子孟軻賢龍

是雙歸日鷺非獨舞年哀榮今共盡悽愴杜陵田

李中丞訓萬年房署少府過汾州景雲觀因以寄上

房與李早年同居此觀

唐盧綸

顯晦澹無跡賢哉常晏如如何驚孤鶴忽乃傳雙魚叙
以泉石舊悵然風景餘低回青油幕夢寐白雲居玉洞
桂香滿雪壇松影踈沈思矚仙侶紵組正軍書積學早
成道感恩難遂初梅生諒多感歸止豈吾廬

送單于裴都護赴西河

唐崔顥

征馬去翩翩城秋月正圓單于莫近塞都護欲臨邊漢
驛通煙火胡沙乏井泉功成須獻捷未必去經年

送汾城王主簿

唐韋應物

少年初帶印，汾上又經過。芳草歸時徧，情人故郡多。禁鐘春雨細，宮樹野煙和。相望東橋別，微風起夕波。

巫山縣汾州唐使君十八弟宴別兼諸公攜酒樂相

送率題小詩留於屋壁

唐杜甫

卧病巴東久，今年強作歸。故人猶遠謫，茲日倍多違。接宴身兼杖，聽歌淚滿衣。諸公不相棄，擁別惜光輝。

過宋員外之問舊莊

唐杜甫

宋公舊池館，零落首陽阿。枉道祇從入，吟詩許更過。淹留問耆老，寂寞向山河。更識將軍樹，悲風日暮多。

謝汾州田大夫寄茸瓊葡萄

唐姚合

筐封紫葡萄，筒卷白茸毛。卧暖身應健，含消齒免勞。衾衣疎不稱，梨栗鄙難高。曉起題詩報，寒嘶滿筆毫。

留題汾上舊居

唐薛能

鄉園一別五年歸，迴首人間總禍機。尚勝鄰翁常寂寞，敢嫌裘馬未輕肥。塵顏不見應消落，庭樹曾栽已合圍。難說累牽還却去，可憐榆柳尚依依。

懷汾上舊居

唐薛能

素汾千載傍吾家，常憶衙門對浣紗。好事喜逢投宿客，刈田因得自生瓜。山頭吹笛陰沈廟，陌上薪蒸突兀車。

投暗作珠何所用，破人專擬害靈蛇。

子夏山

宋趙瞻

山因先師成，令名人心仰。止懸青冥交，侯北面欵山扇。
石室至今猶南傾，直松萬株天籟聲。長材大棟資連甍，
溪泉四出照骨清。潤物功溥民罔爭，朝兮新雲澤根莖。
暮兮和風發勾萌，山川氣稟天地英。民何知爲夫子靈，
魏最稱治由師經。晉俗自是多諸生，時尙辭華取未精。
皓首學行徒修明，非無神降弼王庭。國朝嘗議平文衡，
斯文未喪吾道亨。商之傳授今可行。

比干臺

宋趙瞻

九閻大壞一木支，勢知不可誠不欺。商之三仁異所歸，
死諫不欲狂囚爲。賢哉萬世忠臣師，比干而已前其誰。
諫不當顯何所持，忠必愛君無拂辭。帝舜載賡歌康樂，
風雅比興陳盛衰。君賢臣聖流書詩，光華榮輝同葳蕤。
扶起不欲憂顛危，剖心血頸鼎鑊糜。此意不獨在一時，
死者一傳星日垂。猶有佞人乘其機，順正逢惡稱諷規。
甘言好語解人頤，如懸食角寢不背。聰明蔽密鄙莫知，
微干之節世亦疑。章華非不窮，我魏姑蘇一同宗。社移
名與土滅埽無遺，但爲世鑒那足譏。茲臺巍巍存遺基，
尙覺清風洒肝脾。妖狐不敢依，飛沙落日予心悲。

郭林宗故宅

宋趙瞻

悲哉漢末之人士，虛名譁衆世皆靡。姦邪憤怒相角觝，潰然天下黨錮起。黨禁根剔密如此，何歟網漏郭夫子。意在大儒照物理，逆鑒禍福以行已。才不蓋人行不詭，謙損涵納海之水。又豈高卧安閭里，鴻飛鳳舉不可企。前視亂國如覆軌，明哲大雅之所美。有道進退能猶是，故宅莫問但遺址。然誰敢謂李元禮，其徒器識不能爾。

鶴鳴古洞

宋趙瞻

山勢巖峩接遠峰，九臯鶴唳徹長空。清音彷彿蒼松外，疎影依稀皓月中。石洞雲封仙去後，桑田世換水流同。登臨厭聽黃鸝語，弄巧綿蠻噪碧叢。

文湖漁唱

宋趙瞻

湖光潏灩泛蓮荷，欸乃漁郎慣此過。笛韻吹殘紅蓼岸，櫓聲搖出錦鱗窩。狂歌明月閒愁少，放浪扁舟適興多。蓴菜鱸魚供一醉，掉歌歸去卧煙蓑。

馬跑神泉

宋盧象

將軍稱賀魯，遺廟俯靈淵。藜噴蛟龍穴，波跳赤鯉泉。路迴芹澗水，村近石林烟。野馬含暄氣，農夫出故蹊。土膏興耒耜，尸祝傍山巖。世無銘石，茲遊匪幕天。頃來規下字，必葺墓先賢。世無銘石，茲遊匪幕天。頃來規

蠱班匠擇精專，黜聖何其麗。樂樞本自然，松青離石道。
雲白介山田，適歎飛翬速。仍憂黃雀穿，梨花寒食後。桂
籍酒樽前，饑腐尋香柏。流鶯助晚絃，吳歛摧玉笋。趙舞
落金鈿，上已無過酒。春衣試欲前，故園思鞏洛。稷飲客
汾川，寄語西河老。鄉心朝暮懸。

魏侯故城

宋袁燕雲

獨向條陽翠靄行，杖藜徐步愴吟情。長河漫有懷山迹，
故國空傳讓畔名。遠樹半遮千木廟，斷雲猶鎖魏侯城。
可憐列土繁華地，祇是寥寥作釣耕。

和詣巖祈雨

宋皇甫韶辭

路盡山尤勝，溪深水愈豪。寺樓今不見，依舊五峰高。

宿平遙集福寺

金劉濤

院僻和僧靜，門閒與晝長。燕泥朝雨淖，蝶蕊晚風香。野
興煎詩思，乾愁繞客腸。青奴如解事，供我莫臆涼。

登絳山上方

金周昂

環合青峰插劔長，小平如掌寄禪房。危闌半出雲霄上，
祕景盡收天地藏。野闊羣山驚破碎，雲低滄海認微茫。
九華籍甚因人顯，迥秀可憐天一方。

碧鮮堂

金趙大端

寒陰鏗碎暗僧軒，玉立森森翠滿前。墜露修梢雲影溼，

破網春筍綺文鮮雅宜冷映梅溪月尤稱香浮茗竈煙
清夜沈沈正成寐恍疑飛夢繞淇川

臨泉道中 金蕭貢

半世事行役茲游初未經峽門迷白晝嶺脊上青冥澗
曲莓苔滑松盤霧雨溟登危人跼踖涉險馬鈴嶷落日
留行客提鞭得驛亭短牆明積雪破屋漏疏星羌笛誰
三弄羈懷強一聽葭蘆知不遠河外數峰青

謁狄武襄祠 金玉鑄

傑士西河秀英雄挺偉姿奮身甘衛國彌節願匡時妙
略風雲會威名草木知功高懾南服計重破西陲定亂

勞三箭平戎在一麾勢傾銅柱遠聲振玉關奇頗牧才
何濟孫吳譽竝馳朝廷分重寄將相賴兼資豹略多全
勝鷹揚屢捷師雍容敦禮樂談笑屈缺二字 褒錫酬車服
勲勞著鼎彝雲臺儼冠劍麟閣繪形儀錦里家仍在蘭
陵塚不壞風號墳上木苔漬廟前碑過客煩詩句居人
奉酒卮汾陽遺美蹟千古話芳規

送二道者歸汾州 金許安人

介休山下兩閒人來訪汾陽舊使君明日却歸塵外去
一雙白鶴上青雲

贈益公和尚還超山 金玉廷筠

平沙漠漠鴈翩翩風弄菰蒲水拍天短艇得魚撐月去
一聲漁笛破寒煙

題南山友雲亭

金王廷筠

朝遊南山南暮遊北山北所以兩山雲盡與師相識師
自出山去雲亦出山飛兩人眇何許矯首送雲歸雲歸
人未歸小亭無恙否向來有奇姿無庸變蒼狗雲兮淡
而貞載與尋宿盟論交須耐久持贈近無情清風動亭
側明月生空碧嘉時爲招呼相與成三益

壽聖院古柏詩

金普信

老柏千株不記年滿堂中夜冷生煙不容明月秋幽地
欲作驚蛇春上天雪後未忘夫子道風前猶記祖師禪
曉聞寒韻披衣起錯認廬山落澗泉

途次張南

金石珣

迢迢張南驛蕭然動客愁天風吹木葉落日盡城頭兵
氣逢秋肅河聲入夜流那堪久行役搔首獨登樓

送王子壽之元遙

元段成已

卜築謀南邁回轅遠北之有情慚見厚無語只空悲易
忍行時淚難堪別後思明年鴈到日屈指數歸期

過鹿臺山

元王恽

遠尋文石岡來歷南山纏鹿臺臺爲山幽徑蟠古篆後

峪行未盡前嶺已當面秋聲蕩林樾風露淒以泣陰壑
氣蒼鬱疑有虎豹變山田苦無多溝畹耕已徧柴椽結
半空羅絡碧巖轉自憐終歲勤獸患防一旦我本山中
人束帶對郵椽頓然還舊觀瀟灑償夙願行經雙蟾嶺
石怪驚變現闖首樾樹間氣自太古練月中誰推墜囚
鎖屬山縣乃知北平守認虎飲羽箭初肖本偶然長歌
下層巖

汾州北席里石氏節婦 元陳旅

北里高樓晝掩扉水銅光冷上苔衣寸心誓比南山石
汾水秋風鴈不歸

義棠廢橋 元鍾克謙

鞭石駕空虛伐山頽崩劣長橋當面起陰靄見虹霓汾
河動地至崩濤響霆霹勢壓銅山摧風馳羽箭激水石
相撞擠群鯨隨蕩折百年締造功遭此洶水擊遂令北
村民往來無翼翼提榼廢朝沾負囊嗟暮糴坐見病涉
圖何由救漂溺憶昔結構初十鍾震駭表飛空百丈梯
運石如運甃橫亘截雲峰突兀立鐵壁萬物無堅牢世
事等飄焱獨立沙堤邊蒼茫何所適

登南城樓 元楊乘

南來綿水抱城隈灑灑流沙去復回却上高樓看山色

畫圖十幅雨中閒

送友歸介休

元魯耕

游踪曾向薊門過，樂府刀環夢裡歌。今日青山真踐約，
鬢絲應比昔年多。

題郭林宗墓

明薛瑄

幾經滄海變桑田，高塚長留古道邊。瑞鳳有時鳴曉日，
冥鴻終古沒秋煙。關河迢遞膺舟隔，江漢空茫雅信傳。
千載有碑應不愧，路人猶自識高賢。

過孝義縣有感

明于謙

茫茫煙樹遶孤城，千古猶傳孝義名。郭巨墓荒春草合，
比干臺古野煙生。落花飛絮迷征旆，剝水殘山惱客情。
鞍馬匆匆無限意，不堪回首暮雲平。

介休道中

明程可中

征旅聊因當勝游，庶饒那復數中州。雪融隙地培桑棗，
日出通衢噎馬牛。望望縣山侵面出，時時汾水避人流。
太行春色黃河外，猶自嚴寒滿敝裘。

超峯曉月

明任良才

聳出千山接太空，山頭初曉月溶溶。晴嵐蚤霧橫青黛，
湫沼泃滌映碧瓏。五月花殘無湛露，三春松古有寒風。
幽人策杖登臨日，天下奇觀一望中。

汾州府志 卷三十三
源池潤民

明曹武

寒泉漱玉徹清流，曲轉餘波兩岸秋。
浪卷平原黃種熟，雲迷沃野綠陰稠。
池心帶雨千波碧，水面凝煙一鏡幽。
試問村墟勤歲叟，膏泥深處出瓊羞。

詠周鄉土將臺

明任良弼

山城周室六軍臺，世遠星移紫霧埋。
將壘四圍無鐵馬，女牆半落有蒼苔。
殿廊重建人安在，草木成林鳥復來。
從今誰主爭雄地，明月清風任往廻。

送客遊長春觀

明賈璇

長春觀裏最幽清，送客西歸適我情。
獨賞孤松含晚翠，

不若泉木占先榮。四圍山色濃還淡，一派河流縱復橫。

若說仙家都是幻，何如拍手鶴來鳴。

宿鋤溝鎮和石橋韻

明王素屏

白髮年來種種生，幾回對鏡使人驚。
故鄉北望三千里，官路西行數十程。
甘載離家緣薄宦，半生悞我是虛名。
夜深孤館渾無寐，獨伴寒燈待月橫。

段干木祠

明王翰

殺妻吳起非良將，食子樂羊真鄙人。
爭若先生無一事，西河能解虎狼秦。

羊羔酒出山西汾州，不義諸縣白色瑩。
徹如冰清美

饒風味遠出襄陵之上小挾擅氣耳 明王世貞

清心玉映五銖衣，可是朱顏有慍羝。爲道臯蘭秋月下，流蘓帳底見明妃。

三陽雲鳳山 明張湘

華嶽當年是舊遊，此間何日醉蒙頭。官辭諫議歸仙洞，醉識真人下酒樓。優詔九重丹鳳杳，野心一片白雲留。三陽山上空塵蹟，只有長河水自流。

題林宗 明祝顥

四海頽波正橫流，寒裳猶自遠周遊。笑談不顧三公辟，標榜終懷八顧憂。舉世英豪攀逸駕，至今風度想仙舟。

松青雲白南山下，多少行人拜墓邱。

謁狄武襄公墓 明祝顥

蚤因黥涅募從軍，天賦英姿迥出羣。動合兵書真熟武，閒觀經傳亦通文。高明不受梁公像，智勇能追漢將勳。慨想丰標豈易得，爲停車騎拜穹墳。

謝郡侯張公禱雨輒應 明孔天胤

使君閔雨愜靈心，一請垂天三日霖。笙鼓水龍喧社處，兒童竹馬躍城陰。青山閣曉晴光滿，翠野帷褰秀色深。歲有何人不稱慶，老農先奉萬年吟。

望介山緬懷郭有道先生 明孔天胤

鴻飛白雲中，衆鳥徒營營。達士一何遠，杳然凌太清。內
蘊保身哲，外無絕俗貞。橫波順仙棹，角巾偶華纓。誓將
斷巨鰲，支彼天柱傾。時哉不我與，高嶺獨含情。

送李西渠通府署汾畢事還路

明孔天胤

五龍高郡出浮雲，一鶴清風借與汾。月在冰壺同亮采，
雨隨芝蓋下晴曛。舊疆還守車仍邁，新館留行袂竟分。
東望迢迢盡烟樹，可勝嵐嶺復氤氳。

贈程一山叅戎始建牙汾郡

明孔天胤

北闕授符推轂後，西河分閫建牙初。宏修軍禮昭文幕，
遠聞兵威到朔廬。戍靜關山和月唱，氓安隴畝帶經鋤。

方知上將收全勝，頓令邊庭絕羽書。

贈張龍峒太守入覲榮旋

明孔天胤

春日朝迴守舊疆，萬家烟景襲餘光。桃紅細雨隨車下，
蘭葉香風引綬長。再見王君馳蜀道，重逢老借河陽。
依然美稷兒童輩，竹馬紛紛逐路傍。

仙槐觀訪王全真道士

明孔天胤

槍榆猶不至，容與道林翔。庭儼更生樹，犬修不死方。詩
瓢逢隱逸，茗椀酌清香。無限青霞意，偏令此地長。

題林宗墓

明沈伯咸

小雨綿山過野田，林宗古墓夕陽邊。鴻飛萬里芝留圃，

鶴返千秋松卧煙落帽清風爭折角蕩州春水擬登仙
勤予亦致生芻莫敢謂同心企大賢

鐵索嶺

明趙訥

節節高巖上誰知復有山便當安見在何事費躋攀天
險本自絕人爲故不間因憐好進者豈止仕途間

普濟渠

明趙訥

城居厭煩熈偶到南山隱屋舍溪流處田園雨後時野
花鋪作繡嘉樹列成帷霧隱無如此慚非玄豹姿

廣仁寺

明趙訥

高秋淨遠寺萬象與心清窻竹籠僧語簷風遞磬聲波

澄禪意定葉落俗緣輕但得閒中趣何須世上名

興國寺

明趙訥

勝遊憑地主流憇有柴門預問登山路還將窮水源古
槐列疏冷老柏聳駢繁閒對高僧坐鳴鐘晝已昏

題介子

明趙訥

蒼蒼綿上遙松柏滿山椒古廟今猶在遺魂不可招乾
坤留舊蹟陵谷變前朝斜日西風起林巒自寂寥

早度上店嶺

明宋岳

征輿當曉發麾劍倚秋風霜葉紅千樹雲山碧萬重村
童喧吸水野老醉攜筇蕭守慙多拙惟應喜歲豐

沙州府志 卷三
卜山書院

明慶成王朱知熾

卜山擁翠勢崢嶸，世遠空堂草自橫。
澗底寒流鳴咽裏，令人疑是讀書聲。

謁狄武襄公祠

明范球

宋祚方興，未平將軍百戰捍危城。
流言難泯生前節，信史猶傳身後名。
八尺穹碑蒼蘚合，一區故宅野雲橫。
晚來風撼溪山樹，彷彿南征萬馬聲。

過黃蘆嶺題

明楊璿

冉冉夕陽西，行行信馬蹄。
亂雲山遠近，碎石路高低。
黃鼠作人立，玄猿迎客啼。
白緣羈思切，觸景轉淒淒。

懷古

明楊伯柯

郭林宗

東京主德衰，舉世尙揚摧。
士論日以清，朝政日以濁。
不知禍所基，猶自矜高卓。
及乎黨錮興，善類遭掎掎。
賢如李杜輩，駢首就刑劓。
哲哉郭林宗，千仞翔鳳鸞。
和不與物比，清不與衆角。
立身有常儀，讒怨無由作。
至今士一邱，士林仰先覺。

狄青

明楊伯柯

將軍奇特士，發身自行伍。
志畧既過人，姿壯復英武。
敵人望其來，畏之若猛虎。
初破元昊師，遂荷范公許。
一握

大將符勃勃氣愈吐，儼寇方鴟張。一戰成逃虜，此功亦甚高。予獨別有取，不除黥面文。不認梁公祖，三事出真誠。卓哉越千古。

梭士喜雨

明趙喬年

同雲瀾漫雨垂垂，正是一農閔望時。太守何能尸帝力，皇穹原自軫民危。煙籠棘院龍蛇舞，霧擁文林桃李滋。自此西河多樂事，微臣擬獻太平詩。

汾州閱武

明魏允貞

親提虎旅控西河，聞道

遮塞過關外，秋聲生鐵甲。

白日上雕戈，材官一夜精神倍。野戍三秦殺氣多。

安得普天烽火熄，盡將饒吹變笙歌。

卜山書院

明慶成王朱慎鍾

洙泗傳經業，河汾退老居。山深惟石室，泉隱自林墟。樹鳥鳴先哲，階蟲篆古書。聖門重高尚，千載仰芳譽。

過金鎖關題

明朱鳳岩

世事已如此，勞勞愧此生。十年塵土夢，萬里故鄉情。曲路稀人跡，高天有鴈聲。羞看白髮變，忽爾壯心驚。

文湖漁唱

明鄭儀

萬頃銀濤裏，扁舟雜往還。煙消然竹籜，日上整綸竿。睡足蘆花月，歌殘雲水灣。得魚橫野渡，心與白鷗閑。

題法興寺

明朱表楷

載酒東林上巳前，春風消息杏花邊。
日長塔院逢僧奕，草暖堦除見鹿眠。
流水漸融巖洞雪，清雰未散石堂煙。
平生也解求心性，一到禪關一了然。

亂後過天寧寺

明朱奇澗

禾黍離離烟滿川，寥寥孤鴈夕陽邊。
將軍馬繫禪林下，借得僧牀一覺眠。

鶴鳴古洞

明崔士榮

山人騎鶴入遙空，祇聽餘音振谷中。
遺跡千年成勝景，浮生半世類飄蓬。
黃花招客樽盈綠，碧洞棲雲木落紅。
忽憶家山深隱處，巢由高轍許誰同。

宿吳城驛

明黃素屏

登登鳥道亂山多，白草黃蘆遍石坡。
絕壁倚空凝積雪，飛流直下激層波。
紅塵歲月驚秋盡，清鏡勲名奈老何。
立馬西風增感慨，籌邊何日許重過。

過有道先生墓

明沈鍾

草根沙軟霜花白，客衣馬上寒於鐵。
介休縣僅半舍餘，突見高墳俯城陌。
乃知縣人郭林宗，千古於茲妥魂魄。
挽衣下馬立斯須，北面稽首躬趨謁。
憶昔漢季丁桓靈，黨錮之禍如蠅興。
海內英賢被名誤，枉死不獨滂與膺。

君名當世良不薄，角巾折亦人爭學。胡爲明哲獨全身，
黃鵠高飛能寥廓。我欲起君一問之，九原邈矣將奚爲。
青山亦復不能語，三復扼腕空遐思。嗟乎三復扼腕空
遐思。

孝義有感

明魏綸

薄宦觀風日，蕭條歲暮天。空林巢鳥露，遠岫凍雲懸。草
沒文侯墓，冰堅孝子川。自慚叨國祿，行役又經年。

立秋日遊東觀課應試諸生

明劉有誠

宿雨濛濛暑欲收，肩輿不爲訪丹邱。文昌昨夜輝三晉，
子同時第一流。迴眼槐花忙驥足，報秋桐葉過樓頭。

熙朝幸際唐虞世，勲業誰當禹稷儔。

薛頡晚照

明張冕

一聲殘角又黃昏，無數牛羊遠近村。十里平川生暮色，
半邊林影入柴門。人爭問渡呼舟急，鳥欲棲巢向樹喧。
遙望幽巖深翠裏，孤鐘隱隱出祇園。

題林宗祠

明蕭祜

暫停車馬謁荒祠，高節清風想昔時。明哲獨能逃漢黨，
人亡誰解慟周詩。斷碑零落藏榛莽，古墓荒涼近路岐。
英爽若存應識我，生芻莫訝莫來遲。

窮民歎

明王文清

戊辰中秋同友人觀月而歸見閭巷有窮民向月
悲楚者因感而作 明王文清

乾坤萬里湧金波，碧霄滄海影婆娑。何秋不見光皎潔，
何人不見清冰雪。或捲蝦鬚殿鶴軒，或封蝸竇處鳶蹲。
或漱蟾晶喜炎息，或畏冰鏡愁寒織。或奏雲璈簇管絃，
或泣露葉血涕漣。非是天月有悲歡，貧人難與富人般。
貧人屋上非無月，貧人骨中髓已竭。種蠶全家無一絲，
種穀終日無半炊。得錢數緡遣一女，得粟數斛賣一子。
子女仳離腸欲絕，吏債追呼心滴血。春夏蚩蚩盼秋期，
秋期怕見月上時。四壁磬懸寒徹骨，殘魄亦照窮愁窟。
啼鳥啞啞鼓角秋，鳴蜩噫噫鬢髮颯。梧葉柳林朝陸駟，
夢魂擾擾如欲死。慘淡蚺蟻和爾爲，閉門椎爾淚平湄。
今生願祝中秋月，照破窮愁四海歌。

白馬仙洞禱雨

明許天球

春郊聯轡訪仙蹤，洞口桃花色正濃。白馬已隨黃鶴遠，
蒼虹猶見紫苔封。重巒殿古懸雲榻，絕澗崖空瀉石淙。
爲報山靈元應禱，甘霖時霈慰三農。

過水寧

明李邦彥

匹馬來過舊石州，荒城殘壘暮堪愁。哭聲尙逐風聲咽，
兵氣猶兼厲氣浮。三晉黎民多北走，千山白骨未全收。

何時得掃 塵靖爲雪當年漢國羞

一次平遙夜望 明韓邦奇

漠漠荒城署飄飄旅笛哀坐看寒燭盡愁絕夜更催冀
北花爭發塞西鴈不來歲華容易改春盡且塵埃

尹吉甫墓 明韓邦奇

瞻仰周卿士凄其古墓門苔荒啼鳥跡草沒斷碑痕
俎豆千秋遠儀型百世尊空留臺畔月常照此乾坤

讀壁間端溪韻有懷 明韓邦奇

不見端溪十四載江南塞北日相思郵亭此夜無窮意
對月遙看壁上詩

孝義謁孔廟遇雨 明韓邦奇

星門侵曉闢化雨向春滋烏雀喧壇樹蛟龍起泮池
衣冠三晉士道德萬年師獨愧觀風使無能荅盛時

抱腹巖 明韓邦奇

崔嵬峻嶺與雲連梵刹宏開除碧天佛殿有風金鐸響
石巖無雨綠苔滋優曇向上花香馥祇樹林中鳥性禪
信是空王有靈異祥光絢爛起前川

題介郭 明馬驥

林宗不絕俗介子固深迷秉心各自潔夷惠豈殊操嗟
我尙縻祿憂思日夜勞終然慕高爵長揖過林臯

謁有道祠 明胡漢

先生出處漢人豪半畝祠堂半野蒿古木寒鴉棲未穩
霜清天濶月輪高

由關子嶺發兵入綿上 明高叔嗣

戎衣曾事主羽檄日徵軍敢奮一朝畫而邀百戰勲深
山是古木落日斷黃雲愁思荒村夕誅求不忍聞

十一月朔孝義道中 明高叔嗣

山城風物歲將闌行縣初因問俗安授歷漫驚違一載
趨朝尚計逐干官煙鐘動闕天微曙火樹薰庭夜不寒
久忝恩私今始悟簿書催急驛程難

試府學寧鄉兩學諸生明倫堂 明文翔鳳

巴蜀規王者西河疑聖人荊州既持論終亦謬稱臣從
來多自大不免笑洪鈞龜茲應非馬匍匐壽陵塵夜郎
休擬漢禹圖曠無垠六經續王氏雅志抗千鈞廡門談
禮樂雍雍在河汾仇董將無福顏冉未堪倫姚薛成中
說竊以當涸瀆遂被吳楚誚壯夫挂志賸吾道歸位聖
如奉斗極尊羽儀方端木九江苔濫淫忝應教化主廣
大括一元堂端危獬豸代野括麒麟誓以天人力破茲
歷劫昏長庚窳右幟犬丙推輕輪一戰清江湖再戰踰
崑崙奇書收羣王明珠采大秦希聖稱良宰絕筆贊獲

麟文學匪具眼言語聊激唇
小山一杯土甘為魏侯藩
願曳垂雲累八紘掩俊民
彌天兼四海釋習抄羊續

巡西河見兩學諸生郊迎輶軒有句書以示之
明文翔鳳

子佩青於千樹柳帳紗紅是半天霞桃花水裂文湖錦
蘋末風還后土家電影欲飛登座舌帝鄉新到借書車

吾將促發陽春箭坐督烟香入露華

西河建衡文臺告成予以上春十三日初蒞喜賦
嬰鳳

乍見文昌第一宮梁拖飛電礎盤虹僊靈拱手紅雲握
星塵垂光綠玉瞳春借錦毫干氣色運憑神力破鴻濛

誰能敏冠三千士蚤攬青天繼聖功

題林宗 明蕪澤

高張琴絕絃暗投珠委路嗟哉東都士禍樞踵危步穆
穆郭林宗深心托幽素含章貞自抱誠微幾早悟仙舟

聊可竝墮旣豈堪顧懿彼烝民章明哲伊誰賦

秋月登石樓山 明李瀚

倚醉尋殘壁拂雲認舊題林扉秋色早山崦夕陽低白
髮雙吟屐清風一杖藜興來遠履險疑是躡丹梯

閩士西河值久旱喜霖雨清渥漫賦二律步壁間文

太青先生韻 明吳時亮

教衍河汾聖澤賒人文蔚起赤城霞薰風徧洽凌霄士

甘澍挖數望歲家應識詞源能倒峽敢云化雨即隨車
滄溟波湧神魚躍會看文湖翻浪華

森森桃李晉陽宮劍倚青天氣吐虹燭漢奎光絢五色
連城寶焰徧雙瞳望慚韓斗雲霞迴澤借商霖煙霧濛

藝苑漫誇香雨潤滋培玉樹摠神功

登南山寺有感

明王守履

尋幽覓景好從吾茶命僧烹酒屬沽舉足心常防錯謬
登山路不畏崎嶇摩霄松柏風霜古傍月禪林世界殊
羽檄忽傳頻悵望朝天何策獻奇謀

過林宗墓

明黃洪昆

角巾吹折憶王孫出使星輶過古墳汾水魚龍閒白晝
漢家宮殿正黃昏保身暗識高賢恨駢首誰招黨錮魂
千載精靈何處是鶴鳴華表夜深聞

弔子推祠

明楊巍

每於青史想高風故里經過悵望中欲弔當時栖隱處
滿山殘樹夕陽紅

源泉

明王一魁

縣治東南三十里有泉出山下名源蓋卽酈道元
縣山石洞水也泉分東中西三河余爲濬渠均流
溉田萬畝且著約束以息爭端民甚便之又改建

源神祠宇祠前起樓曰鳴玉又構軒左右曰趨稼
三河北去是橫汾口極平川幾派分遠岫連天都入畫
圓風吹浪動成文決渠競注瀟湘雨奮錘俄興觸石雲
爲問田家何事業休將游惰悞耕耘

倚山樓閣鬱崔嵬
蜃氣疑從海上來
入檻泉聲鳴珮玉
當簷樹影落罇罍
將籬野雉高還下
驅犢農人去復迴
欲向秋風重寓目
離離禾黍繡成堆

長春觀

明鄭柏齡

烟霄開紫閣雲日亂青林
怪石臨流淺幽花入院深
紫
迴盤水曲迢遞俯岩陰
爲愛山源好春來幾度尋

汾上夜歸

明裴邦奇

一篙烟水碧潺湲
幾片秋雲度遠山
最愛白蘋洲上月
夜深常送釣船還

住持天寧寺

明釋妙總

語言全不滯高涉祖師蹤
夜坐連雲石春栽帶雪松
鏡
明金殿冷山蒼月樓鐘
有問西來意虛堂對遠峰

半癡

明徐渭

小鳥形半於雉名半
以癡而易襲又名半癡
縣山
多有之

厄與癡相半禽將鼠共

人與共稱

味雖供客好名却

使人憐所下惟雙筍何妨少一拳如聞三嗅叟笑殺雉
羹筵

督家僮築場

明朱愷銘

露墜聞秋氣原田已漸黃夕陽西嶺下暝色遠邨涼爾
輩宜乘月將鋤好築場蟲吟聲在草切莫誤相傷

遠屏風山

明王鳳翼

天外屏山類削成葱籠佳氣接孤城松蟠鳥道侵雲直
水透羊腸徹澗清騷客揮毫堪作賦仙翁跨鶴欲吹笙
深林不見樵蘇者絕頂風過短笛聲

汾州府志卷之三十四

藝文八

與胡處士庭訪北齊碑

顧炎武

春蠶亂青山卉木苞未吐繞郭號荒雞中田散野鼠策
杖向郊坰幽人在巖戶未達隱者心聊進蒼生語一自
永嘉來神州久無主十姓迭興亡高光竟何許棲棲位
事迫草草朋儕聚相與讀殘碑含愁弔今古

子德自燕中歸省我於汾州天寧寺

顧炎武

一載燕臺別頻承注問書天空烏鳥去秋到鴈行初其
識斑衣重偏憐阜帽疎輕身騎款段一徑訪樵漁

過郭林宗墓 顧炎武

路畔纍纍墓石多，中郎遺愧定如何。應憐此日知名士，到死猶穿吉莫鞋。

介休 顧炎武

淡靄生巖際，奔泉下石間。龍蛇方起陸，雀鼠尚爭山。雨靜前邨市，秋凋故國顏。介君祠廟在，風義復難攀。

冬至寓汾州之陽城里中尉敏浮家祭畢而飲有作

顧炎武

歲時常祭祀，朝夕自饗殮。尚是先人祚，誰非故國恩。枯畦殘宿雪，凍樹出初暎。莫暇求何所，鄰家借小園。

流離踰二紀，愴怳歷三都。墮甑煤還拾，承槽酒旋沽。荒庭依老檜，空谷遺生芻。白髮偕宗叟，相看道不孤。

王孫猶自給一頃，豆其田。今日還相飯，千秋共爾憐。青門餘地窄，白社舊交偏。傳與兒曹記，無忘漢臘年。

嘲松 胡庭

汾俗正月斬松，枝植門前，或編花朵其上，夜炷香苞中。

誰向石橋畔，移來金谷園。陰濃連上苑，跨據近通津。散子叨佳饌，分枝占艷春。遨遊游冶客，鑒賞老山人。解與歸僧佞，曾爲社鼠鄰。卑聯梅竹友，貴狹虎狼秦。巢頂鴟

果滿乘涼犬羸頻晦冥藏魍魎交互長荆榛夜黑啼風
雨秋空詫鬼神籠雲深蔽日攀葛遠聯姻窳窳號天籟
時時墮暗塵高低香饋送南北鳥逢迎自作千年計長
存百尺身會無滄海固太認棟梁真粉蝨俄爭蝕條枚
不重新焦枯拳蜩縮垢膩宿龍困望影堪加聖批根欲
銷新甘棠猶剪伐切莫怨洪鈞

向陽道中

胡庭

曲折向陽道遙瞻路渺茫形從馳背子泉逐佩聲長鳥
道繁花馥人烟古樹蒼嗒然回首處落日半山黃

望縣上忌坂作

王士祿

南望介休郭青山鬱相嚮爲問斯何山云是古縣上子
推從亡返託迹此巖嶂公子詎烏喙斯人自遐尙既殊
少伯逃復異靈均放焚林良已奇抱樹或過當疇知志
士心未易恒情量誰代歌龍蛇其迹類有望棲隱儻不
終懼爲高人謗田光齒利劍瀨水沒清浪所貴明一心
何能畏死喪嗟彼苟且人浮沈詎爲曠

介山

王士正

驅車絲上聚懷古繇上田按璧事已遠遺跡今虛傳晉
國昔多難公子寔大賢五蛇爲之輔一蛇獨耆乾身隱
竟焉文狐趙羞比肩逃榮蒞固高報德理亦然徘徊望

汾州府志 卷三十一
忌坂落日無寒煙，何人貪天功，嗟哉南內年。

郭有道墓 王士正

大槐坂上逐車塵，爭效先生折角巾。至竟清流解亡國，望門投止是何人。

馮文忠烈公祠 王士正

精神如破貝州時，晚節猶能動四夷。天遣不同韓富沒，姓名留寇黨人碑。

送張劭之平遙 朱彝尊

彼汾沮洳吾舊遊，送爾匹馬逾徐溝。人行芳草碧於水，日出杏花紅滿樓。楹中酒味苦桑落，簾外鳥聲黃栗留。

容姑適意遠亦得，搖筆詩何所求。

介山石乳泉 傅山

佛恩滋靜者，石乳勅龍潭。齒蒼瓊茹引，摩尼玉線甘。惠該功德八，清徹法身三。一勺醍醐足，那伽不許貪。

三道河 傅山

三道河邊春可憐，桃花一曲起紅烟。老夫不解先生樂，日日偷閑學少年。

柏窰山四首 傅山

今秋何秋兮，乃從河之涯。物外三四人，帶情聊烟霞。薄得霜早，蒼翠紅紛拏。嫵媚領南國，睥睨摘幽花。言言

語語而行行來柏窠

翠柏燼幽壑細雨騰秋香柏根鞦韆罽雲根函一牕老人忌清薄朝暎散林光俯批綠影入石房殊不涼坐久神氣和探書有蒙莊林邱之所美先令靜慧生礪砢出菑菑可以弄文章

前窠多茂柏後窠復松林既無樵蘇擾亦鮮羶葷尋高步取微徑香綠滴素襟牕外有虎跡牕中冥坐吟彪炳此畏友總勝奴子臨

大石任坐卧古蘚天花茵何處能喪我入林卽外身親知時時至相感獨晨昏

端陽後一日同高春元王監元重遊豸嶺寺

王之儀

綠醞青尊過梵宮淡雲疎雨散長空花香隔樹紅千翠草色浮烟翠幾叢見慣自甘野鳥狎飲豪獨與故人同歸來豸嶺峯頭月已背禪林返照東

孟門洪濤

梁棟

孟門西向瞰秦京萬丈蒼山鐵削成日暮寒鴉啼古樹夜深殘月照孤城
從軌崩落梁山水逆行

蒲屏

行次孟門

高首

春日儘憑弔輕鞭拍

烟迷舊堞穿樹見孤村積

汾州府志 卷三十一
翠來山色。迴瀟咽水痕。聯柔干幹。潤岸柳一天蕃。辨籀
尋荒碣。救醪愛木樽。俗甘耕鑿味。人絕市城論。坐久看
雲亂。行遲聽鳥喧。避煩堪憇此。何必問桃源。

題栢山廣濟寺 辛未山

昇山城郭水雲鄉。沙磧孤村度柳行。巒嶂曉晴天漠漠。
人烟日落樹蒼蒼。兵戈阻絕終年險。鎖鑰清嚴此道長。
問俗開襟延故老。白頭爲我見鴻荒。

老松歌 顧峽

西山仰日日欲落。潺湲萬派生波濤。鏗鏘發異響。
九天何處吹雲璈。卽而聽之聲在樹。虬姿偃蓋松風號。
離奇天矯一百尺。雪幹霜稜金石牢。下有伏霧之精。上
有仙露之膏。蒼龍叫虎豹。嗥鶴舞燕雀。逃風雷相護。
神霧扶于霄。蔽日聲勢高。吁嗟乎。胡爲蕪没于荒崖。絕
壑之間。徒令人徘徊瞻眺而蕭騷。

離石行 顧峽

離石離石。蚕叢道插天。峯頂田星羅。農夫腰鎌插禾黍。
耕雲鋤月何差哉。比年赤龍煽虐來。青霜肅殺降奇災。
夏麥枯稿秋稼傷。黃鳥驚飛中澤哀。黎民子遺滿路衢。
兒別爺娘妻別夫。斗粟貫錢隨人走。烟鬟霧鬢啼嗚嗚。
村落八九長荆杞。雞狗無聲鳥雀死。黃狐直立官道旁。

白狼跳梁入城市，吁嗟造物何不仁。繪圖發粟徒苦辛，
天王自聖大官法，燮理無狀在微臣。

夜聞城外澗聲 顧崧

白晝不聞聲，潺湲入夜鳴。隨鍾度遠岫，和月到孤城。濤
起松翻雨，響沉茶沸鎗。頗誥山水癖，塵夢一時清。

冉之茶亭道中 顧崧

行役亦已慣，荒山一倍遙。斷崖誰補石，亂水不安橋。馬
畏霜蹄澁，鳥驚春樹凋。老夫嗟况瘁，空白羨漁樵。
見慣仍閒事，行吟聊一題。松梢款老鶴，石齒漱寒溪。巖
古蘚都黑，谿深迥轉迷。居人樂故土，老稚自提携。

屏山樓和韻 顧崧

阿誰經始費，誅茅東面樓。成瞰遠郊萬嶺雲，霞生屋角
千家烟火出松梢。石衝野澗喧微浪，木落寒鴉露舊巢。
吏隱居然塵外致，移文不用更相嘲。

師莊道上 顧崧

萬山稠疊隱孤城，澗水西流活活鳴。野寺峯坳樵路細，
荒村石罅爨烟橫。境鄰邊塞征難緩，歲隕嚴霜稼未成。
慚愧斯民猶古道，壺漿簞食有逢迎。

卽事 顧崧

救荒無策實堪嗟，鏡裏朝朝添鬢華。家室仳離悲滿目，

春風猶放女郎花

山城春色又平分無那愁心欲望雲花柳寒深渾未見
江南紅雨落紛紛

校士西河時方憂旱忽降甘霖喜賦二律和文太青

先生石刻原韻 李觀光

半載馳驅道里賒甫來石室想煙霞時當蒲木紛千囀
雨足田疇樂萬家自信此心爭似水漫言甘澍好隨車
論文且喜消炎熱擬向郊原攬物華

芹藻方思樂泮宮更看化雨吐長虹懸知潤物資蒼昊
何事尋仙問紺瞳載酒鶯啼聞睨睨插秧人滿滴空濛

逢年況有蠲租詔鼓腹羣黎頌

聖功

之寧鄉所治紀事述懷三十韻 呂履恒

攬轡雞鳴候之官鳥道邊漢家離石地禹貢冀州田下
下難分壤高高欲上天峽花邨舍隱嶺樹縣城懸驛路
綠沙積關門鎖澗泉三家析市集一木畏橋巔晉趙多
征戰河山屢破全妖星躔彗孛野日耀戈鋌谷沓黃巾
聚峯高赤幟塞耕牛充牣餉牧馬躡圍壓況乃因饑饉
如何歷歲年鬻妻艱易米質產怯增錢黑嶺春添戍黃
河夜捉船雨昏明鬼燐睛眺絕人烟往昔民耗矣登臨
意悵然壘培餘土在陶穴幾家延山豈稀仍發墳松斷

復連燕巢依木作，鱗乳入村眠。氓業應思復，官階敢望還。
微名遭盛代，深意附高賢。未種河陽樹，遑揮單父絃。
行觀新麥隴，卧弛舊蒲鞭。退食簷雲落，移牀牖月圓。
竹聲清響勁，槐葉冷淘鮮。蜡祭時迎虎，遺風有獻豨。祀崇民藉鑿，俗樸吏忘權。祝聖聞歌壤，經時感濟川。
風雲銷赤手，日月去華顛。冉冉侵衰甚，悁悁逼恨牽。祈年希道泰，天地荷陶甄。

祈雨行

呂履恒

雲者風所讐，見之則震怒。不惜吹雲去，孤日其誰與。雨能青我苗，風能赭我土。我土氣力薄，歲豐拾斗許。沙盾蒙石骨，耕鐵茹復吐。官租月以分，率半十之五。婦媪手懷抱，十五亦何取。入城視長吏，飲水祈甘雨。甘雨不可得，錮鐺器壇所。

坤元宮雙松歌

呂履恒

雙松東西互爲友，丹檻粉壁江聲走。枝幹排雲入窈冥，萌蘖不知何代有。東株倚戶半敲斜，滿身苔蘚生霜華。雷霆忽起蛟龍怒，掀翻鱗甲張爪牙。有時風靜日移晷，青陰覆殿涼於水。元氣茫茫太清幽，叢寂寂棲神鬼。近西一株獨正直，亭亭上峯碧。流膏入地似黃金，偃蓋扶天蕩白日。主人延客坐其側，舉杯不飲皆自得。

與君同結歲寒心，隨天自布陽春澤。嗟哉雙松的的有根株，哀今之人似此無。

一 屏風山

呂履恒

一徑通林幄，千崖瞰石屏。瀑聲紛積雪，日氣漾空青。獨立高雲表，羣瞻太古形。不知真宰意，錐削待誰銘。得移忽黯澹，車轉自低徊。勝地無終極，何人見始開。中巖環日月，衆竅吐風雷。欲問樵夫徑，松聲隔磔來。

雲樓嶺感賦

呂履恒

天叫羣山勢不平，登高欲賦客心驚。松巖雨細猿寒嘯，花谷雲深鳥暗鳴。水碓嘆餘惟草宅，火田兵後少人耕。幾時村落還成聚，兼遂林泉吏隱情。

秋日寧鄉關有感

呂履恒

宿靄幽林曉自昏，晚花殘照更銷魂。秋山雁度黃雲嶺，古戍人歸白石村。宦況清華惟水木，農功寒雨爲饔飧。停車陌上詢田父，舊里千家幾復存。

黑坡廢村有復業者喜而賦其事

呂履恒

數椽茅屋萬松間，一帶新疇是故山。慚媿鶉衣和淚說，餘生今爲使君還。

田婦朝饔汲石潭，山花採采已盈簪。烹來土釜無香茗，坐對松巖飲亦甘。

山菌新鮮獻乃公，草間長跪捧筠籠。
憐渠雨嶠霜林裏，念我清齋孤署中。

石田新闢雨初收，女饁男耘正麥秋。
傳語吏人休駐馬，恐驚雞犬入林邱。

石州道中 呂履恒

白日下汾曲，清秋宜遠行。
泉經山店引，烟望驛樓生。
背嶺人聲接，刊林鳥道平。
亂餘初買犢，逋賦賴深耕。

離石雙松歌 呂履恒

離石西南林壑奇，兩松離立皆殊姿。
大者勁挺百尺外，雷雨恍忽生虬枝。
其一束偏勢尤古，攫拏偃蓋蟠蛟螭。

黛色半浮巖岫出，蒼鱗欲混青冥移。
高齋短墻在阿堵，暇日緩步相追隨。
吾兄爲政多餘閒，滅鷁撤蓋攜餅卮。
盛夏山城朋好稀，獨與兩松結心知。
晴風舒卷微濤生，謾謾過耳塵襟披。
其時日夕山氣佳，樓臺倒景何參差。
造物豈供耳目玩，靈根疑有神鬼持。
香臺盡亞山殿冷，颯然如在涼秋時。
摩娑欲去還復留，酒醕爲作雙松詩。

夏日遊栢窰山卽事 呂履恒

首夏氣清和，凌晨訪薜蘿。
碧小坐挹野芳多，騶從無塵事，壺觴有嘯歌。
石房題字滿處，土舊羊何。

李陵墓 梁杰

雲中憶上望鄉臺。黃沙極目迷龍堆。落日邊城胡笳動。
但聞牧馬鳴聲哀。將軍賫志忽以沒。不勝憑弔獨徘徊。
君不見鞬汗山下戰鼓絕。成安一死早自裁。又不見李
緒教兵爲謀主。單于用事無相猜。故人數把刀環示。曷
不厚意同歸來。徒欲得當報于漢。曹沫七首安在哉。生
既莫望關門入。何處魂從故國回。汾水深深。崑山崔崔。
地下孤城骨應朽。愁雲終古鬱未開。韓嶺土二尺。介休
樹幾枝。由來多感喟。寧獨少卿才。嗚呼。只今鄉人作寒
食。乾粥猶能祀子推。

賈侯廟

梁杰

表裏維藩地。緣邊徧五戎。當途失其馭。分部汾西東。劫
運屬典午。妖魚兆夢熊。本非池內物。况假之雨風。一旦
遭反噬。郡邑鮮完壙。爰茲彈丸土。四面圍梯輦。侯竭捍
禦力。城亡身與從。矢志豈苟活。堪笑賊將崧。允矣史臣
贊。方搽美勁松。曾謁睢陽廟。勒馬弔雙忠。靈旗颯颯動。
待衛森且雄。每當春秋社。簫鼓奏明宮。雞豚爭報賽。豈
但慶年豐。維侯流澤遠。麻烈先後同。隱作山河氣。長扶
社稷功。至今蒙保障。列戍靖邊烽。

上光岩寺

董柴

隱現光岩寺。林深徑自通。山僧逢谷口。野鳥下雲中。涼

借千峰雨秋生一樹風南樓高敞處塵慮滌教空

謁有道祠 董柴

偶來東郭外繫馬謁先民高蔭槐猶古遺碑篆又新一
身超黨錮千載表人倫細雨祠前暮臨風想墊巾

超山西莊 劉嶠

西莊連一山澗水割東西鑿石穴居隱列樹學巢棲種
禾高山巔汲水下深溪谷轉人不見但聞午時鷄巔上
松如蓋孤煙與之齊欲捫藤蘿徑不得通輪蹄

超山 劉嶠

一片超山色連天翠欲浮淡旬常入夢今日始來遊攀

樹晴雲豁沿花曲澗幽鶯聲三十里速客遍枝頭

紫葢臨深澗扶筇欲上難低徊綠石磴矯首忽雲端天
闊諸峯小風高五月寒細尋幽勝處引入坐中看

謁梁萬戶墓呈康大太乙 劉嶠

大元文物訪平遙繫馬荒墳石象牢綠水長鳴嬰澗細
青山不改麓臺高英雄事業埋蒿里松雪風流見鳳毛
梁墓碑趙子昂楷書五百餘年誰呵護好憑金管起人豪

登麓臺山 劉嶠

煙樹天邊度幾村青山萬疊麓臺尊下方城市渾無見
一片雲飛出雁門

麓臺山歸劉嶺

拾得白雲馬上行，千山萬壑向重城。歸來夜半寒窻下，猶聽松濤作雨聲。

栢仙觀古栢歌 王綬

平陶十里西南行，栢仙之觀明朱甍。樵牧不至剪伐少，老栢得壽以仙名。瞥見蒼翠浮天際，近身拔地起復傾。磊砢盤挈幾千尺，鬱曲剝蝕癯而清。本根數人圍不得，分支參錯猶弟兄。一支北頭挺然立，扶疎柯葉垂繁纓。次東鐵幹勢欹側，欲趨未趨還力撐。次南瘦削如髯叟，羽勁鶴髦調吹笙。廣成偓佺呼欲下，岸幘磅礴饒縱橫。

就中青銅蕩白日，聯絡行列如有情。最奇老蛟西騰走，鬚鬣戟張神魂驚。五丁力士不可挽，攫拏奮怒凌高閣。風雷震動儼回顛，鬼廷彷彿靈虬聲。奇姿異狀絕不類，仙邪栢邪難區評。超山俗吏對之飲，徘徊一酌癭瘤觥。大冬嚴寒未彫改，暑伏白晝移陰晴。甘子落堦盈道氣，香脂自服已長生。天齊地等閻人代，秦和柱石直孩嬰。一彫仙化今如此，荒唐秦漢疇定衡。吾聞孔明廟前栢，霜皮黛色非凡英。螻蟻鸞鳳杜陵句，愛惜奚啻錦官城。又非荊州與新甫，詩書名號徒喧轟。土衰木盛爾何意，支離偃仰同老僧。真率無言長穆穆，洪蒙不鑿全幽貞。

巴東兩株亦千秋。栢仙栢仙吾欲從。爾蓬山瀛海訪飛瓊。

劉思齋游麓臺山以記見示并錄壁間張中宿先生

詩步原韻卽呈太乙思齋 王綬

麓臺青峭白雲頭。杖策高閒羨此游。石起疊峰何處是。嬰常名澗客初留。飲看萬壑千岩記。幾上城南縣北樓。失却龐公存守黑。壁間題句細凝眸。

超山幽居 釋際得

雨過千林霽。開窗坐翠微。蟬鳴孤樹靜。鳥啄落花肥。白日催人老。青山到客稀。誰能同寂寞。身世兩忘機。

名藍饒占跡。泉石足怡情。幔卷雲山色。厨分澗水聲。蒼煙樹碧漠漠遠。川平麥老桑空處。農忙帶雨耕。

夢餐優曇花作 于成龍

余讀書山寺時。夢餐優鉢羅花。卽吟一句詩。仙人賜我鉢羅花。醒語純天和尚 卽性善 檢藏。乃知鉢羅

花卽優曇花也。因賦以誌。

優曇曾記夢中餐。山寺日高栢水寒。雲繞佛龕常五色。香飄精舍比芝蘭。生 金銀氣偶雨輕。拋屣鹿灘

四十年來摩障盡。好教 紫霞端

黃河古渡 朱紹鳳

天地何年老勞人半渡頭浮梁隨逝水斷岸落殘湫猿
嘯秋風急馬嘶曉月愁爭如牛背上閒欲看東流

弔八將軍 顧凌霄

將軍玉牒出天潢不許貲財齎盜糧舌在豈能摧魯國
膝強誰敢屈睢陽早知國破家何惜轉恨宗殘命合亡
折對裂冠悲獨慘幽魂白可報高皇

弔馮生 顧凌霄

儒林義勇寔堪推守策津津數出奇壯志未酬身土壤
忠魂有淚哭城隍雖無鴻績垂青史白可蜚聲勒口碑
宿草一杯長寂寞令人空憶舊容儀

介休道中大雪用歐公字體并次其韻 周在浚

縣山葦葦開蓮萼雨來怪底雲氣薄曉來韞馬欲出戶
颯颯風聲忽大作蒼崖不復辨狐岐林宗祠前莽寥廓
手縮難縮紫遊韉日眩但覺光閃爍沿村沽酒苦酸澁
獻門乞火噤冷落胡爲歲歲勞行役老我不知邱中貉
聞道此邦春夏旱棄兒拋婦隨人撻道傍尙自多流亡
慘傷半似依人雀馬凍不前惟長嘶僕餓急走遺芒屨
忽逢年少披貂裘豪興但誇逐兔樂執手不暇問姓名
金盞行酒恣傾淪擊解聊復慰老饕最喜乾坤歸淡漠
一時頓忘行路難掌熱儘堪握冰拗搖鞭我亦急馳上

回首相看各狂嘯

郭林宗祠下觀傅青主鄭谷口重書蔡中郎二碑歌

用少陵李潮八分小篆歌韻 周在浚

軒頡文字不可見金石之刻飄殘雲劫灰之後若瓊寶
西漢以來珍八分歐趙當時已嘆息後之寶者誰為真
太原傅山筆力健以意摹寫多丰神我友鄭八號稽古
秦碑漢碣身相親當時客都下硯山孫退谷曾卜鄰石
經遺字數晨夕寢斯食斯如對當時人重為臨摹儼然
相祠中兩兩同西向波撇矯健俗書遠興來老腕休屈
強中郎之文無慚容谷口之字多雄壯千載萬載難磨

宕傳鄭今時李郭行我來坐其下摩挲還作歌碑乎碑
乎從此流傳歲月不可紀風風雨雨奈此貞珉何

過有道祠見公他書中郎舊誄歎美不已因紀以詩

吳雯

繫馬古槐下槐花石堂偏誰書有道碑古法蛟龍纏其
文中郎舊書亦堪比肩嗟哉濁堂老縱橫照秋煙鳴都
蹟久蕪幃幕留殘鏹夏承誰呵護靈光猶巋然巍巍九
疑頌託迹於神仙此碑妙接武絕響續千年梁鶴鄙不
為頡籀或後先我來重歎息典型欣目前坐卧欲三日
苦被塵累牽上馬再回首孤鵬方高翥

汝州府志 卷三十四
麓臺龍洞

陳祖法

透迤入洞口，衣帶盡寒色。竦身入深邃，亂雲千里黑。四
洞各離奇，儼然如分域。北麓地最崇，潛龍爲窟宅。古木
橫深澗，危梁俯空碧。稍南聯二穴，水乳交凝滴。龍孫與
潤濟，據之司霖澤。東南更深窅，腥風朝暮迫。目沒萬鬼
號，雨來千弩集。奔雷與噴霧，鴻濛終古闕。茫然驚飛鳥，
何從振杖策。緬想月上時，皎皎照寒栗。猛將擁嬌娥，新
花附古栢。

將歸渭南留別方明府樵舟

雷曰鑑

驚魂初定復何之，春水柴門繫夢思。最是陳遵能好客，
幾番投轄遲歸期。

官齋寢食動經年，一曲驪歌着短鞭。回首魏城斜日外，
落花如霰柳如煙。

平情讞獄信如神，百里甘棠夾去津。勒馬風前頻慰語，
官箴最好是清貧。

龍山書懷

釋德裕

深秋林木間，青黃嘹嚶南。飛雁影涼，二十年餘離漢水。
三千里外滯中陽，樓頭玉笛他山月。溪上蘆花野店霜，
差喜此身猶未老。一肩瓢笠返江鄉。

過穴居卽事

吳嵩允

茅穴依然古帝民，石田可稔未為貧。膝頭舉步應憐汝，敢耀冠裳學貴人。

弔八將軍 劉文德

敢咲金符肘後懸，天家義武勝戎旃。虎鬚盜跖驕鳩吻，龍種王孫泣杜鵑。絲粟空筭膝有鐵，風雷交口刃無權。長為秦楚舒悲嘯，貫日虹飛憤始宣。

弔楊生 劉文德

浩然士氣凜難移，耻作圜人逐亂離。慷慨特歸鬢序死，衣冠還付井泉知。忠魂兩夜重闈夢，信史千秋一乞兒。得已從容猶不免，鯁生亮節最關時。

憶山寺舊遊 劉元錫

環山皆古栢，繞逕盡蒼苔。峯插青霄上，花開綠水隈。曉煙迷雉堞，月色淨蓮臺。山有安國王城並蓮花石記得逢僧話，禪機觸處開。

庚戌五月十有三日，署內隙地露難民骷髏三百零

余立塚瘞埋，置田設祀，同諸公分韻弔之。袁學謨聞說明時被賊攻，石樓最慘血流紅。嶙嶙白骨埋荒草，盡是英雄節義躬。

經郭有道宅 袁學謨

西河高士昔稱仙，蓬華餘暉別一天。剪韭只知延上客，

窮經不厭鑄羣賢龍歸溟海雲 淨鳳隱丹邱毛羽全
漢代英雄今已矣寒鴉猶噪舊廬邊

南州孺子慕高賢遠送清風一榻懸鈎黨不逢藏石室
角巾無恙濯靈泉空庭皓月留餘照匝徑黃花繞暮烟
莫道遐飛鴻未杳羨君茅屋白雲邊

一丘故址傍雲阡禾黍離離鶴唳天勝蹟空留殘碣篆
孤芳時帶夕陽烟霜侵老樹風還古秋滿荒臺月尚圓
今日訪仙蹤跡遠桃花洞口色依然

汾陽官署秋夜 周于韓

羈旅西河日高秋晚眺時涼風入幕早孤月到窻遲籟

靜琴餘韻機忘鶴欲隨東山何處是南雁去參差

金鎖關 邢秉誠

地險雄金鎖天工勝玉關兩崖巖勢敵一徑騎行艱荆
棘攢千疊嵯峨扼萬山昇平嚴戒少障塞亦常閒

游筆架山次白玉蟾韻 釋性善

白雲隱沒舊山家活計甜菘苦茶睡起不知人世事
石臺講罷落天花

弔晉太子耶律妃墓 在城南二里許俗稱淨

梵王太子妃者可發大嘆且謗佛矣詩並正之 康

乃心

鏡奩何代掩荒邱。瑤瑟玉簫出鳳樓。一自故宮人去後，年年煙雨泣深秋。

琉璃碧瓦照蒼苔，猶似鸞車寶扇開。妙麗夫人應有相，故教金粟傍如來。

晉國山河一夢移，君恩如舊鴈鴻知。於今墓柏青青在，秋色長留夜月時。

一枕千年向此中，山邨麥飯冷春風。憑他浪說西天話，三月桃花滿院紅。

哭李北溟總制 魏象樞
簡命深叨 聖主知。臣心精白總無私，清風亮節高千

古。吏治民生濟一時，寢食難忘 宸翰重。死生未報

賜金慈。巖疆賴有斯人在，何事驚傳箕尾騎。生與同庚性不殊，居然三晉兩迂儒。憐君盤錯身先瘁，

顧我膏肓病未蘇。南望江河誰復挽，北瞻雲日總難呼。當年薦草曾聞否，歷盡平生一語無。

金鎖關 周起

一雙峭壁插天起，崢嶸勁骨對時。朶朶巖石色穿雲，

勢欲壓覆行人。憚萬株矮樹成叢，互嵌迸裂根玲瓏。

犬牙鹿角爭萬狀，鏽漏一綫窺青空。吾送 王師亦策

蹇，過此馬首勒莫轉。層岡疊嶂扼咽喉，百戰千途總不

舛三晉雄圖左太行黃蘆右度通秦疆迴環崩岌不勝
數飛泉屈曲奔向陽南接狐岐北彪嶺汾石兩分內外
屏世平則玩久則弛自昔秋防最嚴整漢晉歷代巡邏
制專屯要害許奸宄控茲帶甲六十名斤墩延袤三十
里嗟今山勢空崔巍王公設險安在哉原非五丁巨斧
劈障塞無煩管鑰開王道本貴蕩平路唐虞豈恃山谿
阻謀國苟非兵食足總有天險亦不固君不見秦地崇
關一百二沛公先入誰能禦又不見萬仞劍閣鎖門戶
奉靈降王問何故但聞嘉隆兵氛來偏頭直抵汾城隈
假能阻隘預守備何至四野烽煙摧吁嗟乎薄祿總磨
民社職保障申嚴豈無識夕照停鞭空嘆息

弔賈客

周超

亂離莫賤販夫名拔刃捐軀志獨貞大吼轟天人盡廢
九迴委地賊猶驚身羞蜚影三招辱命等鴻毛一擲輕
應笑計然推善筭遙垂七策止謀生

弔朱忠令

周超

關中鞞鼓勢縱橫殘破荒城邑宰驚勁卒三邊猶失守
孤臣八口盡捐生冰清泉路形先現瓦解山河力尙爭
隆準無慚漢祖裔魂歸故里恨難平

弔武妃

周超

黃巾白馬勢縱橫，妃主捐軀井共清。絕勝湘君揮淚死，羞從羊后腆顏生。重泉有志尋龍種，荒塚無人奠兕觥。薄宦忝持風教職，奚容康定不蒙旌。

弔劉氏

周超

枕尸慟哭恨無天，簇擁難摧烈性堅。豈忍纖腰馱馬背，自甘延頸飲龍泉。綠林敢使朱顏汗，芳草猶教碧血澣。寄語史臣彤管載，清風嶺上舊痕傳。

仙童原

方士模

經過原上路，怪石踞松根。一自仙童去，千秋暮雨昏。砧聲傳別浦，瓜蔓匝孤村。地古人多壽，鋤犁課子孫。

宿龍山寺贈雪岸上人

方士模

石磴盤空上，禪林帶夕曛。俄然身外事，已付嶺頭雲。花影閒堦照，蟬聲隔院聞。剛來逢結夏，聽偈到宵分。深山僧臘古，白髮倚枯藤。筆瀉春江水，心寒玉井冰。鐘聲檐外月，人語佛前燈。去住憑浮世，何須憶武陵。

貧民行

方士模

中陽之民勞且苦，西山高下皆瘠土。鑿坏作廬長兒孫，倚蘿爲幕雲爲戶。土銜然煤，眼紅蝦背，詎分寒與暑。傳託充饑半糠粒，客至倉皇憂空釜。鶉衣綻裂解不漉，鵝面皴枯氣如縷。游荒三載幾空存，父子散竄迷處所。

招來田舍已榛蕪官賦私通浩難數我今承乏懷撫綏
無術深慚衆人父昨朝有檄督催科流民難繪心酸楚
勸農 方士模

桑陰布穀鳴田家競舉趾辛苦此農夫披衣一盞晨起巡
行遍郊坰青塍時憇止勞來傾壺漿聽誠集疆以昔者
寇頻災維草宅其址揚箕砥糝糠採山餌石葉歲事滋
漸登不聞呼庚癸三春霖雨霽四野轆轤委時哉不可
失努力劃疆理畎深耐風旱器庀戒窳監毋爲鹵莽耕
庶博田暖喜盛世無遊民黍稷看蕤蕤

望繇山弔介之推 方士模

拔地蒼崖起岩窈窕碧天胸明秋色裏凸凹暮雲邊白
骨旌何補青烟禁尙傳幾時一藤杖憑弔倚層巔

丁未首春三日有雉來署中集衣笥上馴習不去如
家禽然紀事二首 方士模

政拙惟遵三字箴無端雉雉到花陰梳翎爲愛文章色
厲響思明耿介心自向堦前分鶴俸不從海上駭鐘音
中牟異績吾何有謾謝休徵謫漢林

憶昔祥鸞下德輝 唐開元中馮仲昌令孝義有鸞集公
屬桐樹間太守蕭恕表其事於朝

春城今日又顰飛吉占敢比蛇蟠笥寵命難希鷺畫衣
却喜無媒來冷署非關防患遠虞機公餘宿食能相傍

只當籠鵝換字歸

過鶴鳴古洞

呂文樓

跨鶴仙人去遺踪寄碧岑得音方信近探洞不知深丹
頂雲隨杳黃冠壑共沉空留餘響在千載費追尋

弔雷節婦齊氏

呂文樓

天地有正氣秉作匹婦烈豈爲身後名濺賊有碧血亂
擊罵益厲心若九鑄鐵甘死鉅石下清白不可饜詔
旌大節存一坏猶凜冽

讀黃太僕公殉難篇

呂肯堂

我聞星嶽鍾間氣生人秉之得英銳殺身成仁自古難

忠肝義胆照天地君不見張文昌守睢陽血戰四百誰
能當又不見顏魯國罵賊舌凌凌氣奪李希烈我今披
讀黃公傳凜凜如見顏張面公馳五馬遼海來汾州方
賴仁風扇大同姜瓖本新降心屢反側舉兵變賊黨突
至圍汾城黃公氣憤經百戰內無宿飽兵外無螻蟻援
羣醜勢方張驚駭東門陷張拳巷戰晝昏霾孤臣力竭
身遭絀痛罵殉城義素裕血灑英風死不仆卹贈太僕
饒榮施勅立特祠金碧堂四篇家訓世德昭文孫開
府泮河駐天報丹忠不泯爭光日月廟貌新顏張鼎
足垂千春

文湖漁唱 賈健

文谷經汾滙似湖漁歌傳咏蹟模糊流波千頃舟明滅
欸乃一聲人有無滄海昔曾變黍稷桑田今又走魚鳧
清音水面留風韻想像蘆花蕩裏呼

代西河長命女歌 周美盡

原本漢歌女採風入樂府誰料千秋後巍然食茲土特
因長命字謂儂本仙侶恐斯言不信寔之以漢武更嗤
好事者片碣藏陋語一旦擬以出門然驚聾瞽且問聖
仙號錫曰何帝主史冊所不書徽典憑竊取倘遇釐正
大儂將何地處聰明正直一念此汗如雨而乃大標榜

求儂過阿姆莊嚴其廟貌輝煌其牖戶尊儂以正位俠
農以四輔昭濟自有屬紛若競樽俎邑志不知昭濟所
出此晉祠水妃封

也儂倚猗那迎優令婆婆舞周市與曲街喧闐儼如堵

晨則薦牲幣夕猶考鐘鼓姬豎樂趨踏騎慳偏儺僕熱

賜急供事冷眼自閒顧漸趨漸紛拏警以回祿怒不肯

測天心轉為廓基宇臧辰縱逆祀宣聖嚴鉞斧哀哉俗

情愚儂亦何屑數但念生育事此理自明楚厥初自天

地是為大父母或其積累深發祥自乃祖栽者必繁昌

傾者隨顛腐往古暨來今鬼神鑒如炬何人恣媵阿求

取能越矩矧儂一女身焉能保爾後可惜鼎俎餘陰以

取能越矩矧儂一女身焉能保爾後可惜鼎俎餘陰以

取能越矩矧儂一女身焉能保爾後可惜鼎俎餘陰以

淡狐鼠可惜釵鈿費竭以填谿谷寄意夸毗子何如勤
秩祐爾雖潔肥脂爾雖載清醕豈不聞神不歆非類胡
爲營營徒自苦

馬跑泉 魏國卿

清源初見細涓涓只是尋常石底泉流出短牆才一尺
便驚雪浪撼山前

神泉傳有馬跑痕騎馬空山覓舊源收盡江南好風景

一鞭紅雨十三村

烟籠賢閣 魏國卿

三賢寓里古傳聞師友文侯閣上分百世清風猶澹蕩

一簾佳氣正氤氳笑他畫棟迷南浦絕勝晴川漾白雲

鼎峙於今馨配享烟籠舊跡話橫汾

彪嶺樵歌 魏國卿

萬尋彪嶺鬱嵯峩中有神仙謫大羅幾見岡前吹牧笛
却聞巖際發樵歌茯苓老處應蹲虎棋局終時已爛柯
市上往來人不識負薪沽酒醉西河

經上頂山 魏國卿

巉巖突兀撐青空羊腸一徑綿長虹綠崖逼仄夾兩脅
陡從山脊穿雲中往來過客迷今古力鑿何年五丁斧
昇障汾川鎖鑰雄海宇東南此門戶登臨忽見頂摩松

虬枝偃蓋蟠橫峯遍體龍鱗老歲月大夫未肯邀秦封
時排雷雨驚濤起瑣碎羣山皆拱峙松摩山頂頂摩空
聲錫嘉名良有以我來欲問蒼然叟呼吸能通帝座否
恨無謝句足驚人落日驅車重搔首

狄武襄公祠 魏國正

崑崙封一九天險不可渡王師久環攻蠢蠻終負固天
使視把鉞方畧定指額元夜大張樂讌飲天未曙巖關
忽崩坼虎穴熊羆據龍衣委逝波震霆掃瘴霧李愬淮
西城鄧艾陰平路公本大將材韓范知之素折節受春
秋恂恂儒者度面涅勸軍伍華胄絕依附二事人所難
死由讀書故古祠崇報功檜柏風雲護負鼓逢盲翁猶
說銅面具

送徐明甫同年量移寧武八絕 魏國正

桂籍遙聯楚晉通曾攀清話旅燈紅 甲戌春晤公於鹿泉邸舍 十年

別後無消息忽報神君卽我公

下車三日政聲馳白叟黃齋手額時獄市不驚農在野

士林又頌閔宮詩 謂平反獄裁行戶勸農及修廟牌坊諸事

何人閔節到閻羅大猾倉皇失揣摩不見秦臺懸鏡處

鐵鞭偏着鬼醫多 邑中胥役類橫公痛懲之乃戢

負蝮久假事朦朧一滴紅泉水乳融個是我兒兒頌我

青天霧散日當中

邑有二婦人爭于久不決公令刺血
驗之立判士二事尤民間所樂道者

及故

目刮金篋鑿最真珠林一額得奇珍試看月殿攀枝客

早是珊瑚網裏人

觀風拔李劉兩
生是秋皆捷

琴堂風靜晝無譁對客清談興亦賒折簡有時來草屋

爲言文舉故通家

余閑闕久公以諧
誼招時一往焉

交湖芳草露初零有脚陽春去不停十萬人家齊墮淚

笛聲吹折柳條青

北風料峭嶺雲屯琴鶴蕭然出鴈門勝得哀矜心一片

從看塞上轉春溫

徐荆山邑侯由寧武歸里過余留飲賦詩送之

魏國

有母拋雛去一年空從雲外望青天

公前蒞汾時
有青天之號

投簪

過我重攜手戴笠逢君許拍肩拇陣喧闕更漏外楸枰

歷落燭花前來朝又是匆匆別酒冷香消意黯然

誄肯構郭優生二首

德係

河汾風教在千載故斷然吏列儒林傳詩流樂府篇回

思持節地頗識塾巾賢坐失青雲器沉緜且問天

舊隱中條下開簾每枕書一生留獨行九世信同居高

誼徵馴馭頽風激借鋤碑辭垂不朽試問有誰如

誄肯構郭處士

梁錫璵

懿行鄉之重百年土一邱哲人今不見芳躅自堪留
世張公宅終身晏子裘瑾瑜光祖德詩禮裕孫謀騎鶴
音容遠招魂草木秋朔風吹夜月陰雨滴青楸戚里傷
彌切素交曉未休淚添汾水曲併入黃河流

戊子夏五由臨邑回汾郡望中見小廟甚整咨輿隸

得其概因記之 徐浩

古洞青山曲相傳有女仙歸來自文水未記是何年十
八邨相奉三千界不遷隔溪瞻畫角疑在白雲邊姓氏
無人識麻田却翠鉤相傳由麻田遷跡郎君已逝矣仙子亦飄
然聲入先民耳洞中昔有人聲今無聞矣風銷卧虎阡此地多虎行行問

舊蹟輿隸口成編

題滙清園 徐浩

園亭誰是主憑弔亦徒然脩竹依前綠長松獨自豎暮
雲沉白水朝露拓輕煙化鶴歸來復曾孫不記年

登臨縣新城 徐浩

半臨溪水半憑山人在高低煙樹間諸葛造門通西壑
汾陽補閣蠡南關長空萬里雲霞窟平野千年禾黍灣
使者此來宣 聖德老農牧豎盡開顏

宋神宗賜文潞公詩石刻 曹學閔

元豐失道升羣伎王蔡紛紛執朝柄偉然碩果推潞公

濯濯老夫留正性，河陽出判移魏都。身在外臺如棄屏，
偶然入贊饗禮成。優進公階行賜慶，連章乞退仍慰留。
宮中寶器出侑觴，更有宸章發高詠。君臣唱和一時榮，
髣髴昇平揚際全。盛流傳貞石，幾摩挲。零落遺聞光志乘，
當時中外多名臣。曲說何爲惑主聽，如公聞望冠三朝。
曷不時咨授國政，賜詩雖美奚足言。裕陵遺恨滑邪正，
百戰曾將宋祚恢。穹碑紀績尙崔嵬，致身有具從行伍。
黥面無妨出將材，談笑從容韜畧合。儀形颯爽畫圖開，
蕭蕭風栢門堂路。猶似崑崙甲騎來。

故鄉祠貌儼來歆，青史威名世共欽。帳下孫張才孰並，
朝端韓魏契偏深。大勛屢向巖疆建，浮議休愁末路侵。
一種深沉傳智畧，要從慎密識公心。

鶴鳴古洞

曹學閔

王喬去緱山，令威辭華表。仙踪一以遙，鳴鶴音亦杳。何
年有黃冠，此間結茆草。羽化托靈禽，騎之赴瑤島。道人
不復還，鶴響猶繚繞。古洞清且幽，遊人恣尋討。偶然一
鼓掌，嘹唳出深窈。山空谷應聲，疑和在陰好。我愛巖壑
殊，攜筇展遐眺。琳宮曉靄間，雲氣散晴曉。冷然風一來，

灑灑滌塵抱長嘯學蘇門招鶴下林杪

卜山 曹學閔

山頭濃翠自氤氳
退老高賢此避氛
千載儒宗詩禮著
一堂文學晉吳分
隱泉曲折沿蒼麓
石室荒涼鎖白雲
謾謾松風崖畔起
空林疑有詠歌聞

臺駘廟

曹學閔

昔聞金天子嘗爲元冥師
厥嗣曰臺駘世業克繼之
帝用嘉乃績封之汾水湄
沈姬及蓐黃守祀沿宗支
滄桑興變滅沒不可知
傳書晉侯疾茲神實崇爲
當時鄭國僑博物無所遺
數語聳君聽血食爰在茲
立廟始唐代檉柳隆其儀
水官旣受職胙饗存有司
功遷在斯民有禱必應時
村巫走報賽或降雲中旗
願神惠茲土賜雨無愆期
視彼汾流長利賴同留貽

渡汾水

曹學閔

擢歌處處放晴川
風物依稀見昔年
歌向中流傳漢帝
渡經萬里感唐賢
當時行殿蒿萊沒
幾頃文湖荇藻連
便欲攜琴彈一曲
試看鴈影落遙天

石盤山

曹學閔

花村西去路林岫望中明
嶺翠千巖落孤雲一徑平
翠巖留絕頂雉堞隱遙城
挂東蒼茫處松風走壑鳴

初抵臨境石門塢作

丁宗懋

相傳離石舊，僻處大河東。
水來天上，翠巒在眼中。
纖盈輸半，綠冷淡杏初紅。
最好知時雨，今宵四野同。

城上成東，讀詩集喜賦二首

丁宗懋

險地岩淵，捍晉汾，滿城佳氣，雷氣氤氳。
河流千里，成天塹，地控五原。
接秦雲，廢堞何年，空悵悵，綢繆未由。
獨殷殷，不煩鼙鼓，人起事，一續歌聲，雜杵聞。

高樓此日，啟芳筵，屈指重新到百年。
蟠地雲根，皆壁立，枕山雉堞，宛行聯，版圖式廓。
昇平世，耕鑿羣安，作息天況復，西疇歌大有，臨風欲試武城絃。

過孝子宋如隱廬墓所

梁文五

純孝傳於昔，豐碑樹至今。
故廬烏啞啞，如聽蓼莪吟。

漢槐

康載樹

有道祠前卧古槐，相傳當日手親栽。
千秋榮落標孤節，一代興亡付劫灰。
偃蹇自安泉石志，摧殘應痛棟梁材。
祇今繫馬濃陰下，猶見高風拂面來。

己亥季夏雨後同諸社友遊柏窠山卽事

劉鑑

山口雲深萬樹橫，穿雲樹一層。
巒息林野鳥千巖靜，挂壁流泉六月寒。
濟勝苦業屐尋源，剩有葛洪丹，相逢試問鑽山客，五尺石

口完

自煖泉公回途中口占

朱懋炳

肩輿宵涉任家灣，問俗何妨帶月還。麥秀最宜春後雨，
雲輕不碍望中山。傍溪茅屋河流近，薄暮村墟卧犢間。
勤儉不忘好樂戒，唐風猶喜在民間。

柏窰山卽事

屬清來

寂寂深山逼屐痕，羣峯限目斷晨昏。數堆雲罩松環甲，
千尺崖高柏抱孫。遺世惟公勞寤寐，多情遲我伴琴尊。
低頭自惜飄蓬侶，散漫形骸安足論。

丁亥孟夏陪朱堂臺王學博步禱柏窰山歸途得雨

此紀事

王吉士

大地苦如焚，虔禱殷殷向水濱。

泉在聖母廟前，冬夏清冽，不增不減。

一片雷聲轟報雨，半空風色密堆雲。千村禾黍沾膏澤，
萬戶謳歌頌使君。回首再看隴畔，秧針刺水正堪耘。

柏窰山卽事紀勝

曹鑑任

柏窰雙柏不記年，挺標盤石根蜿蜒。使君知我好奇特，
手磨如拍洪厓肩。紫芝碧蘚乳常滴，服之可以成飛仙。
有客導引上絕頂，乃是能詩老鄭虔。攝衣扳藤長發嘯，
清陰萬木穿雲烟。衆山羅列兒孫立，猿鳥閒閒虎豹眠。
巖壑幽哉夜雨綠，及時好花開後先。攜琴堪奏南薰曲，
一彈再鼓咽流泉。下視郊原多起色，絃歌滿城禾滿田。

乘興載酒若甘醴舉觴豪飲翠微巔抽筆伸紙酌大斗
不惜盡醉傾百千空參漢坡事已往但留工部之長篇
公餘行樂正六月入林炎涼分判然此身恍似東海鶴
暮栖三島朝九天兩腋風生殊覺爽落霞斜照摧言旋
從茲別路紅塵遠何日重來話澗邊

漢槐 王謀文

生意婆娑紀漢年古城風雨弔寒烟二千歲月盤根老
百尺欄杆抱影圓漫樹旗亭留醉客得尋華表拜高賢
征車頻向花黃過都在先生藻鑑邊

七星槐 王謀文

五沃之土產嘉木道傍歷歷種如粟昨從城東識漢槐
銅柯鐵幹贊不足官舍驚看得未曾好奇徃徃供所欲
端使身閑雅興多却對軒窗開兔目此樹移來數百年
深根貫石枝垂屋雲氣遙來山脈連苔痕欲斷波紋蹙
凝姿爲帶曉烟青交蔭初宜春雨綠香飄漫紫玉駒駘
葉密應棲金鸞鷲玲瓏七竅歎絕異錫此嘉名誠不辱
中藏月魄影惺忪上應星精光熠燿印今川宿羅心胸
喜見文章出笥腹靈秀雖云造化功神奇原不受凌觸
我來相視若忘形赤脚歌吟 復材大希逢匠石嗟
質真那不誇予獨摩挲差 生心兩袖頻攜風穆穆

高譚便可藉花茵清蕪無勞設蘆菡天上常看映白榆
人間幾度然紅燭但得終朝賦酒泉底須遙夜聞絲竹
遭遇由來非偶然寄懷豈必都諧俗歸去溪堂繪作圖
對君日日酬醅酥

邑志載小人捍愚輕於犯法余甚憫之作此示勸德貴
漫言下里屬愚氓五氣都從造化生肢體全歸敦孝養
農桑世守篤庸行醇良禮讓能弭患刁健頑殘每觸刑
幸際雍熙敷化日願齊擊壤慶昇平

文湖漁唱

馬錦襄

不辨天光與水光滄浪歌處問滄桑漁家風月迷幽火
烟波是故鄉欸乃一聲雲拂影隱然半櫂笛生涼
卽今望去猶疑練可有絲竿掛夕陽

狄武襄公祠

程學孔

宋時武功誰足數將軍磊落起行伍百戰元昊掃妖氛
畧地攻城闢虜虎韓范二公竒其才左氏春秋授干櫓
將軍折節肯讀書異畧竒謀動人主丹青圖像霽天顏
樞密宣麻冊天府儂高流海廣東西天兵南討敢余侮
朝廷命將重出師臣青爲國奮厥武夜半飛奪崑崙關
賊將見面面如土始信布地百錢紅振旅闐闐奏凱鼓
勲名自足照簡青識量更向萬古頰邊涅字不肯除

梁公像在非吾祖凌烟閣上多功臣有如公者今吉甫
土人俎豆春復秋桂酒椒漿薦歌舞

介山思烟臺

程學孔

樹隱綿山路崎嶇石磴連
市寒臺畔草雲過廟旁烟
蛇蟄焚林後鴉鳴禁火前
只今借隱處臨眺獨泫然

鶴鳴古洞

李瑤

古洞深幽寄此生人言跨鶴入雲行
峰頭悵望無飛影
谷口空傳有唳聲響接山岩聞嘒嘒
韻來崖壑覺清清
仙姿不識歸何處落得餘音應手鳴

文湖漁唱

李瑤

文湖好景舊曾多最愛漁人發棹歌
一曲新詞翻錦浪
幾回古調散清波聲隨綠水無心去
響逐金鱗得意過
緬想遺踪何處是依稀還自聽吟哦

彪嶺樵歌

李瑤

採薪嶺上白雲平緩步高歌入調清
每向峯頭吟泄泄
時從曲裏度丁丁林飛逸韻兼山響
澗落餘音繞谷鳴
妙有牧童牛背笛吹來又和兩三聲

謁卜子祠

程學曾

教澤西河訪古賢儒先
地有真傳下山遠接尼山脈
汾水遙通泗水淵鳥語
青聲紫嶺上風鳴
琴韻過林邊

至今石室誰爲主藤繞苔封不計年

謁汾陽王廟

辛顯祖

維唐七葉山逢鬼天子家塵狼彘尾令公手扶半壁天
克復兩京績何偉吐蕃突爾兵氛起倉皇勅公一幅紙
奪海內於群盜區大河南北復姓李驀地酋兵驚若雷
都訝令公天上來羅拜欲呼還起舞靈臺卓騎提音回
嗚呼補天浴日功如此血食千秋應不死下馬擎觴酌
斷碑廟貌嗟峨儼仰企

過向陽峽

辛顯祖

五丁鑿破混沌竅劈分兩壁陡且峭中有羊腸一徑通

絕頂瑩瑩燭籠照崗巒凸凹失前路霜皮黛色列古樹
山雀輕翻雉雞飛野狐突跳蹲狡兔懸崖欲墜迎眸來
瀑布飛噴白雲開陰風颯颯疑虎伏曲磴盤迂斜陽催
欵段崎嶇三十里望中隱隱近村市行人莫唱行路難
迢遞西來山邈迤

汾陽宮懷古

辛顯祖

北齊併後南陳滅混一金甌堅似鉄六茹勤儉土成金
阿廢哮矚百姓血也知外間多圖儂行幸猶築汾陽宮
汾陽宮殿巧玲瓏江北江南杆柁空太原公子提戈來
一呼天下歎若雷魚潛鳥離劫火後汾上於今剩殘灰

汾兮汾兮脉脉流不貝當年帝子遊蔓草萋萋廣鬼葬
滿目蒼涼白雲浮

協辦志事

戶部山東司員外賈生琇
前任江南建陽衛守備候補遊擊王邦迪

候選布政司理問呂審燾

議敘主簿卞懷調

議敘州判卞爾垣

議敘縣丞董忭舒

州同武汝翼

千總王恒茂

千總張乾昌

貢

貢

貢

貢

監

監

監

監

監

監

監

監

監

監

監

監

監

生王愷

生李開江

生張書政

生郭繼傳

生趙忠

生趙維准

生任從直

生卞懷謙

生卞爾潤

生張素莊

生任元龍

生宋祖意


生侯希武

生張明元

生劉錦祿

生張曹樹功鼎等

梓人稷山葛瑾璋



原件收藏

山西省图书馆

原件书号

24364-79

原件状况

原件个别地方有污迹

原件个别地方字迹模糊

原件个别地方破损

【乾隆】汾州府志三十四卷首一卷

(清)孫和相纂修 戴震校訂

清乾隆三十六年刻本

十六册

部书共摄制 2 卷

(1) 首一卷卷一至卷十八

(2) 卷十九至卷三十四

版权所有 不准复印

本部书完

本片卷含：

卷十九至卷三十四